

Anexo 1 : Cadro de lecturas

1º Bacharelato

LISTA DE LECTURAS

LISTA DE LECTURAS

1ª AVALIACIÓN

Lectura obrigatoria:

A arte de trobar, Santiago Lopo, edicións Xerais

Lecturas voluntarias:

A memoria da choiva, Pedro Feijoo edicións Xerais.

O club da calceta, María Reimóndez, edic.Xerais.

2ª AVALIACIÓN

Lectura obrigatoria:

Erros e Tánatos, Gonzalo Navaza, edic.Xerais

Lecturas voluntarias:

Made in Galiza, Sechu Sende, edicións Xerais

Celtas sen filtro, X.L. Méndez Ferrín (descarga dixital)

3ª AVALIACIÓN

Lectura obrigatoria:

Follas Novas, Rosalía de Castro, editorial Galaxia

Lecturas voluntarias:

Agosto do 36, Xosé Fernández Ferreiro, edicións Xerais

Comedia bífida, Núñez Singala, editorial Galaxia.

Anexo 2: Criterios sobre a avaliación, cualificación e promoción do alumnado

CURSO 2021-2022

1º BACHARELATO

Na valoración do traballo realizado polo alumnado en cada avaliación, aplicarase a seguinte porcentaxe:

- **Avaliación de contidos e destrezas:** En cada trimestre aplicaranse os criterios de avaliación de cada bloque de contido en relación cos estándares de aprendizaxe implicados. Estableceranse as rúbricas correspondentes tendo en conta a materia a avaliar e o tipo de tarefas e actividades proposto.

Os mecanismos de avaliación consistirán en probas escritas, traballos, exposicións, presentacións, oralidade etc... relacionadas coa materia. A puntuación distribuirase do seguinte xeito:

- Proba(s) escrita(s) -----70%
- Tarefas realizadas polo alumnado relacionadas cos contidos traballados (exercicios,

comentarios de texto, esquemas, cuestionarios...)------10%

• **Oralidade** -----10%

**O alumnado cinguirase aos criterios establecidos polo profesorado (tempo, lingua...), o incumprimento dos mesmos repercutirá negativamente na nota.*

• **Lectura** ----- 10%

O alumnado realizará a lectura dunha obra por avaliación, esta lectura valorarase a partir dunha proba escrita ou oral.

Se o alumno ou alumna suspendese ou non realizase a proba de lectura, poderá facer unha recuperación a partir dunha proba oral ou escrita, cunha data límite fixada polo profesor ou profesora, esta nunca excederá o 0,5 de puntuación.

Polo que respecta ás lecturas voluntarias, cualificaranse a partir dunha proba oral ou escrita no prazo determinado polo profesor ou profesora. O alumnado poderá escoller entre os libros propostos en cada trimestre ou os que acorden co profesor ou profesora, realizaranse ata un máximo de unha lectura por trimestre podendo acadar ata un 0,5, que se sumará á nota media da avaliación, esta terase en conta sempre e cando o alumno ou alumna acadase o aprobado na materia, de non ser así reservarase para ser sumada na seguinte avaliación.

Durante o curso informarase ao alumnado das diferentes convocatorias de certames literarios, a participación en calquera deles, será valorada como se realizasen unha lectura voluntaria (0,5).

Para aprobar LINGUA GALEGA E LITERATURA de 1ºBACHARELATO o alumnado debe acadar unha cualificación de 5 que se obterá de sumar cada unha das partes expostas anteriormente.

Só se fará recuperación da 1ª avaliación, as outras dúas recuperaranse no exame final de xuño. O alumnado que se teña que presentar á recuperación, examinarase dos contidos da proba escrita da avaliación, valorada co 70%.O resto das partes serán sumadas á nota da proba para calcular a cualificación definitiva da dita avaliación.A nota final de xuño será a media entre as tres avaliacións.De non acadar o cinco, o alumnado suspenso terá que presentarse á convocatoria extraordinaria de setembro onde dará conta dos contidos relativos ás probas realizadas durante o curso. Esta estará valorada sobre 10. Excluiranse preguntas sobre os libros de lectura ou os traballos realizados.

• A avaliación da expresión oral ou escrita na materia de Lingua e literatura de 1ºBACHARELATO terase en conta ao cualificar ao alumnado o seu grao de corrección na utilización da lingua tanto na súa expresión oral como escrita. Establécese unha listaxe de faltas* ou erros que atinxen á ortografía (no caso da escrita) e tamén á morfoloxía e sintaxe. En cada proba poderá descontarse ata un máximo dun 20% da nota.

***LISTAXE DE ERROS ORTOGRÁFICOS:**

Así nas probas e actividades escritas as **faltas ortográficas** teranse en conta seguindo os seguintes criterios:

FALTAS MOI GRAVES

- Escribir en castelán.
- Non distinguir entre s/x, b/v, una/unha...
- Acento diacrítico.
- Usar formas compostas co verbo haber *he dito.
- Antepoñer o pronome átono nas oracións simples ou nas principais das compostas *o vin, *se nos dixo.
- Non respectar as normas que impoñen os signos ortográficos (uso de maiúsculas despois de punto, separación incorrecta de sílabas...).

FALTAS GRAVES

- Confundir o xénero de certos substantivos.
- Usar as formas do demostrativo popular *estos *esos.
- Non usar os posesivos co artigo diante *nosas cousas.
- Empregar o plural *quenes.
- Usar as formas apocopadas *primer, *primeir.
- Escribir os numerais *cuarenta *ochenta, *quinientos.
- Vacilar no uso dos cardinais *deceseis, *dazaseis.
- Deformación de formas dos indefinidos *alguién, *ninguién.
- Apocopar a forma calquera *calquer, *calqueira.
- Usar algún/algunha nas frases negativas *non me produciu satisfacción algunha.
- Empregar indiscriminadamente os pronomes persoais te/che, lle, lles/o, os *xa te fixen o recado, *chameille por teléfono.
- Usar as formas do pronome suxeito como segundo termo da comparación *traballa máis ca eu.
- Conxugar con erros *anduvén/andiven, *podría, *estuvo, *iba, *salgo, *traigo, *creer, *supen.
- Manter o grupo -zc- na 1ª persoa do presente de indicativo e no presente de subxuntivo *conduzco, *obedezco, *conduzca, *obedezca.
- Escribir a preposición a na perífrase IR + INFINITIVO *vou a ir ó cine.
- Empregar verbos da 2ª conxugación como pertencentes á 3ª *batir, *ocurrir.

- Castelanizar certos adverbios e preposicións *ahora, * hasta, *sin, *según.

FALTAS LEVES

- Acentuación.

Nota: As incorreccións catalogadas como moi graves na escrita suporán un -0.2 menos na porcentaxe de expresión. As faltas graves reducirán - 0.1 puntos. As faltas leves serán sancionadas con -0.05 cada unha.

O desconto máximo por faltas nunca superará o 20% da nota.

Estes mesmos criterios teranse en conta na proba extraordinaria de setembro.

ERROS NA EXPRESIÓN ORAL:

Consideraranse faltas graves nas probas e actividades orais:

- utilización de tempos compostos,
- mala colocación dos pronomes átonos ,
- castelanismos léxicos e morfolóxicos,
- erros fonéticos graves como non pronunciar o n velar etc...

Restarase 0.20 por cada falta grave.

NOTA: O alumnado poderá expresarse na variante dialectal da que proceda.

IMPORTANTE: Por tratarse dun curso atípico ante a situación sanitaria na que nos atopamos, consideramos que é necesario considerar a posibilidade de ter ensino non presencial, se se dese o caso de ter que pasar por un período de corentena. Neste caso seguiranse os criterios establecidos no [Plan de continxencia](#) (punto 10) desta Programación Didáctica.